

المشاهد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢ ١٣ ١٤ ١٥ ١٦ ١٧ ١٨ ١٩ ٢٠ ٢١ ٢٢ ٢٣ ٢٤ ٢٥ ٢٦ ٢٧ ٢٨ ٢٩ ٣٠ ٣١ ٣٢ ٣٣ ٣٤ ٣٥ ٣٦ ٣٧ ٣٨ ٣٩ ٤٠ ٤١ ٤٢ ٤٣ ٤٤ ٤٥ ٤٦ ٤٧ ٤٨ ٤٩ ٥٠ ٥١ ٥٢ ٥٣ ٥٤ ٥٥ ٥٦ ٥٧ ٥٨ ٥٩ ٦٠ ٦١ ٦٢ ٦٣ ٦٤ ٦٥ ٦٦ ٦٧ ٦٨ ٦٩ ٧٠ ٧١ ٧٢ ٧٣ ٧٤ ٧٥ ٧٦ ٧٧ ٧٨ ٧٩ ٨٠ ٨١ ٨٢ ٨٣ ٨٤ ٨٥ ٨٦ ٨٧ ٨٨ ٨٩ ٩٠ ٩١ ٩٢ ٩٣ ٩٤ ٩٥ ٩٦ ٩٧ ٩٨ ٩٩ ١٠٠

والله يهدي من يشاء الى صراط مستقيم ديني ، علمي ، ادبي ، سياسي هفتلق مجموعة اسلاميه در
اتبعون اهدكم سبيل الرشاد

صاحب ومدير مسئول : ح . اشرف ادیب

عدد ٣٧ - ٢١٩ ٥ ذی الحجه ١٣٣٠ پنجشنبه ١ تشرين ثاني ١٣٢٨ جلد ٢ - ٩

جهتله بلا ذبح قربانك عینتی یا بدلنی تصدق و یا خود مجاهدینك امورینه صرف ایچون اعطا شرعاً واجبی اسقاط ایتیه جکندن ذبح ایدیلهرک واجبی ادا و ایفادن صوکره قربانك جلود و لحومنی و او جلود و لحومك بدلرینی و واجب اولیوبده متوفی ابون و اقربا و تعلقاتی ایچون و یا صور سائر ایلله قطعاً ذبح ایدیلهرک قربانلرک بدلاتی مرخیر مذکوره اعطا ایتك جائز و مشروع اولدینی بوبابده افواه ناسده دائر و بعض اوراق حوادثه مبسوط بعض مقالات اوزرینه لدی السؤل فتواخانه دن افاده قلمسنه و مقصد اصلی هم ذبح قراین ایلله ایفای وجیهه شرعیه همد عسا کر شاهانه غزاة و مجروحینه اغانه فضائلك جمعندن عبارت اولمسنه نظراً ذبح ایدیلهرک قراین جلود و لحومك بو امر خیره خرج و بر صورت مؤتمنه ده توزیعی ضمننده اوقاف هایون ناظری پاشا حضر تلرینك ریاستی تحتنده دونما اغانه سی قومیسوئندن و باب فتوا ایلله شهر امانتدن برر اعضا بولمق اوزره برانجمن تشکیلی ایلله ایجاب حالك مذاکره سی مجلس و کلاجه تنسیب قلمشدر . « استخبارات »

وثائق تاریخیه

علمایه خطاباً جهاد بیاننامه سی

مقام مشیخت علیا مستشارلغندن تبلیغ ایدلشدر :

اطرافزی احاطه ایدن دشمنلرک عسکرلرینی تشویق و تشجیع ایچون بتون رؤسای روحانیلری صلیب بدست اوله رق اردولرنده چالیشمده اولدقلری سالد بزم علماطرفندن هنوز بویله بروطفیه نك ایفاسندن تغافل ایدلسی اصلاً و قطعاً جائز اوله میه جنی جهتله من عندالله موعود اولان نصرت و مظفریتك بر آن اول عسا کر عثمانیه جانبنده نمایان اولمی ایچون علماء کرام طرفندن دخی بویولده بر جهاد اجرایی و ذاتاً هربری بر غضنفر اولان افراد عثمانیه نك قوه معنویه لرینك تقویه و اعلاسی فرض مرتبه سنه واصل اولمشدر . شووطفیه مهمه و مقدسه یه اشتراك ایچون کندوسنده اهلیت و قدرت کافی موجود اولان علماء دینك ایچلرندن مناسبلری انتخاب و اعزام قلمق اوزره همان باب فتواده درس و کالتنه مراجعت شتابان اولملری کمال اهمیتله اعلان اولنور . ۲۶ تشرین اول ۳۲۸

بایتكك تأمین آسایشی مقصدیه تبلیغات رسمیه

مطبوعات داخلیه مدیریتندن :

بالقان حکومات اربعه سیله باشلانیلان حرب مقتضای تقدیر الهی اوله رق هنوز ایتدلیکی کبی قرین موفقیت اوله مامش و بو جهل دن اولق اوزره شرق اردوسی چتالجه خط مدافعه سنه چکیلک لزومی حس ایلله اوراده ا کمال تحشیدات ایتکده بولمشدر . بو خط مدافعه پایتخت سلطنت سنیه نك قپوسی مشابه سنده اولدینی جهتله پیشکاهنده دشمن اردوسی بولمسی پایتختك حضور و آسایشی اعتباریله حائر کمال اهمیتدر . شمدی چتالجه نك صورت لایقه ده اسباب مدافعه سنی استکمال نه درجه شایان اعتنا ایسه پایتخت قپوسنده کی بر محاربه نك یوزده اون موفقیتسزاک احتمالی بیله او قدر جالب نظر دقت اولق طبعی بولندیغندن حکومت سنیه جه بر طرفندن کافه وسائط مدافعه یه مراجعتده ذرئاً قصور ایدیلهرک حقوق و منافع مملکتك محافظه سه بذل مقدور اولمق ، دیگر طرفندن ده پایتخت سلطنت سنیه نك محفوظیتی امنیه سنه معطوف تدابیر

سیاسیه توسل ایلک طریق اختیار اولندی . بحوله تعالی پایتخت عثمانینك مصنوعیتی اسبابی استحصال ایدلکده اولوب آنجق بونك برنجی درجه ده متوقف علیهی هرکسک کمال حضور و سکون ایلله مشاغل ذاتیه سنه حصر افکار ایدهرک احوال عادییه ده مضرت قلیل اولان افعال دن بیله توقی ایتسی امر مهمیدر . حال بویله ایکن مقاصد مخصوصه تعقیب ایدن بعض اشخاصك اختراع و بعض سبکمز لرك نشر ایتدکلری یالان یا کلتش شایعات ایلله شهرک آسایش آتسی حقنده کی امنیته ضعف طریان ایتسی حکومت سنیه جه نظر مساحه ایلله کوریلهره . حتی بودرلو اشاعات مصنعه تأثیریلله اوروپا سفیرلری طرفندن دولت متبوعه لری تبعه سنه امنیت بخش اولق اوزره درسعات لیئانه موقتاً سفائن جلپی التماس ایدلش و طرف حکومت سنیه دن کافه تدابیر تأمینیه متخذ اولقله برابر اسعاف التماس موافق کورولمشدر . مسرودات آنفه ایلله تماماً آ کلاشیلورکه بو کون عن قصد و یاعن جهل بر طاقم حوادث کاذبه اختراعیلله تخویف قلوبه و تخدیش اذهانه چالشمق و طن عثمانیه قارشى بیوک بر خیانت و بلکه بر جنایتدر . بناء علیه استخلاص وطنی اس الحركات اتخاذ و بتون دقت و غیرتی بو نقطه یه رکز ایدن حکومت حاضره بودرلو شایعاتی ایجاد و بیلیر ییلز تکرار و نشر ایدنلر حثنده مجازات شدیدیه اجرایی و هر نه زم و صورته اولورسه اولسون تهییج اذهانی و اخلال سکون و حضوری انتاج ایدهرک بالجه تشبثات و حرکاته قارشى تدابیر قطعیه اتخاذینی قرارلاشدیرمشدر . حکومت حاضره استناد ایتدیکی سلامت و طن امل ملیسندن اخذ قوتله فعالیت اعظمیه ایلله حرکت عازم و هر درلو تردد دن سالمدر . شو حقیقت عمومیه معلوم اوله رق اوکا کوره حرکت ایدلک و ارباب مطبوعات ده غرته لرنده لسان جدیته یاقیدمناز مقالاتدن توقی ایلک اوزره کیفیت بیان و اعلان اولنور . ۲۸ تشرین اول ۳۲۸

حریت و اشرف قلوب برینک اسرارى مقصدیه کی بیاننامه

آلتیوز سنه نك عثمانی سلطنتك اوروپا هیئت دولیه سی اعضا لغندن چیقارلسی مهاجراتیه الك نازک بر دوره یه کیرن و مقدراتی اولا اراده السیه ، ثانیاً کندی سونکوسنه استناد ایدن بوملت معظمه نك افرادی آرهمسنده شو صره ده فرقه حیاتی تفرقه حیاتیله تفسیر ایدیلهرک و بر فرقه سیاسییه نك عوامل فعالیتندن اولان انتخابات ایلله پارلتو مشاغلنه احوال حربیه یوزندن الحاله هذه امکان کورلدیکی جهتله اجتهاده بذل جهاده حرمت و تسلیمیت کامله کوسترمک وضعیتنده بولندیغمری بالقدر اقدیمجه بر فرقه سیاسییه تشکیلیله بزی میدان مجاهده یه سوق ایدن عوامل اردونك سیاسیاتدن و بولتیقه جیلردن (ولولک کچ اولسون) قورتلسی صورتیله زائل اولدیغندن جناب حق بوملت نجیبیه یی محاربه حاضره دن سلامتله چیقارمسی دعاسیله حریت و ائتلافک سیاسی پروغرای وقت مرهونده آجیله حق اولان مجلس مبعوثانمزک اعضای محترمه سنه امانت ایدیلهرک بودقیقه دن اعتباراً مملکتده حال طبعینك عودتنه قدر مؤسسات سیاسییه مزک سدیله بتون عثمانیلرک حساسیت فدا کارلیرینی لازمه حربک یوکسک بر پارمق ایلله اشارت ایلدیکی - دمت وطنیه یه حصر و توجیه ایتلری توصیه و بیان اولنور . فی ۲۸ تشرین اول ۳۲۸

حریت و ائتلاف فرقه سی رئیس ثانسی

صادق

اداره عرفیه بیاننامه نك ایلنجی زبلی

- ۱- ۲۵-۲۴ تاریخی اداره عرفیه بیاننامه سنك صواب قتره سی ملغادر . یعنی فرق سیاسییه قلوبلرده اجتماع موعودر .
- ۲- خسته خانه حاله افراغ اولنان قلوبلرده مجروحینك امور صحیه سیله خدمتنه مأمور اولانلردن غیر کییمه بولک میه حق ، یالکز اوقات مخصوصه ده مجروحینی زیارته کلنلر قلوبلره کیره بیله جکاردر .
- ۳- قلوبلرک امر محافظه سیله مکلف اولان مستخدمین ممنوعیت واقعه دن مستنادر . ۳۰ تشرین اول ۳۲۸

مطبعة احمد احسان و شرکاسی مدیر مسئول : اشرف ارباب